

中国边疆研究资料文库·边疆史地文献初编

西南邊疆

第一輯

中国边疆研究资料文库·边疆史地文献初编

西南邊疆

第一輯

附粵督片

再臣於光緒五年七月十三日承准軍機大臣字寄光緒五年六月二十一日奉

上諭張樹聲奏接據越南國王來咨現在統籌關外剿匪事宜一摺逆匪李揚才現經馮子材親督各軍將者岩等處巢穴一律掃平並將家屬拿獲著劉坤一張樹聲馮子材飭令各軍乘此聲威立將李揚才陸之平等逆悉數擒拿迅圖蕝事現在該國王咨呈有請留官軍盡剿諸匪之事該國伏莽甚眾防不勝防仍著劉坤一等飭令各軍迅將李陸股匪殲除後卽行班師越南積匪尙多劉坤一等卽傳知該國王自行

攻剿肅清餘孽廣西邊境各要隘該督等當妥派得力營隊扼守防堵一遇餘匪竄近隨時剿滅以靖邊疆等因欽此仰見

廟謨深遠

聖訓周詳跪誦之餘莫名欽佩竊以此次提臣馮子材越南之役專爲追剿革鎮李揚才以期綏靖藩服今李揚才雖尙在逃而黨羽散亡殆盡西撫臣張樹聲請將提臣各營留精銳以資搜捕汰疲病以節餉糈調度合宜仰邀

聖明洞鑒矣而臣不免鯁鯁過慮者或以李揚才眾潰勢孤無能爲厲視爲無足輕重聽其自爲存亡耳查李揚才驍勇

善戰提臣馮子材前咨已言及之署左江鎮劉玉成並稱
李揚才輕財好施人樂爲用該提鎮與李揚才共事多年
自能得其實際李揚才未叛之先來東見臣其雄鷲之氣
形於眉宇臣於杯酒之餘勗其努力自愛因其立功西省
咨請前撫臣楊重雅奏留歸標冀得爲之羈縻竟不料其
旋至爲亂也李揚才熟悉越南情形地方其擁眾出邊視
該國在其掌握一時匪徒羣起響應中外人情大震迨爲
前統領已革道員趙沃及提臣援師先後擊敗李揚才奔
竄不暇而越南匪首李四陸之平翁七覃四娣等猶復與
之狼狽相倚且以巢穴資之內地匪徒如潘振家等圖襲

南甯郡城爲李揚才別樹一幟以攝官軍之後蓋李揚才
既係粵產又在越南用兵與各匪潛通聲息各匪以李揚
才會爲勇將亦愿借其名號受其指揮也幸賴

天討所加

皇威遠播提臣有者岩之捷李揚才隻身亡命一夫之力足以
制之倘不及此殲擒任其漏網將來援師凱撤必致死灰
復燃越南蜂屯蟻聚之徒何難一呼立應卽兩粵伏莽亦
有乘機萌動之慮臣愚以爲李揚才一日不除人心一日
不靜越南與西粵均未可安枕矣相應請

旨飭下提臣馮子材務令督飭各營並照會越南國王確探李

揚才踪跡窮其所往設法購拿期於必獲越南國王切膚之痛必不專委客軍提臣素性忠勇且夙知李揚才爲人自當除惡拔之計元兇所在耳目難逃重賞誘於前嚴誅迫於後當必有縛之來獻者如懷狐兔之悲相爲容隱不能不懾以兵威否則巨憝稽誅固貽外藩以口實並恐狼心未死轉滋他日之隱憂耳至李揚才得手後提臣應卽全軍撤回將廣西邊防妥爲部署所有翁覃葉文各股匪徒或剿或撫由越南自行辦理該國王前次咨呈請於李揚才授首後仍留提臣督剿自屬格碍難行惟現在李揚才尙未就獲若非提臣親歷行間恐難刻期竣事此時提

臣雖病未能不臥護諸將以竟全功庶足以仰慰

九重南顧之憂下副中外人民之望除恭錄

諭旨分咨廣西撫臣張 提臣馮子材及越南國王欽遵查照
外謹附片具陳伏乞

聖鑒訓示謹

奏

七月二十四日督發

附西撫張片

再臣於光緒五年六月十三日將關外情形並籌辦緣由
附片馳陳七月初一日承准軍機大臣字寄光緒五年六
月十三日奉

上諭張樹聲奏官軍攻克者岩賊巢詳細情形一摺據奏接提
督咨稱李陸二逆猶伏匿扣錦後山一帶與前次所報稍有
不符著張樹聲馮子材確切查明該逆實在伏匿何處督飭
各軍乘此聲威迅速圍剿就地殲除勿任再行他竄欽此當
經飛咨提臣馮子材欽遵在案七月十五日接提臣咨稱
四月初四日攻克者岩各巢正在分軍搜捕突有悍匪成

羣遁走直上扣錦後山將弁皆以爲首逆在內加隊圍拿
以其地據山頂仰攻數旬始能得手擒獲僞總元帥陸哥
蒙一名其餘悍賊均卽就地殲斃始知此股仍係陸之平
逆黨訊問李逆所在俱稱巢破走散不知去向者岩前後
左右數百里間各軍窮搜累月斬獲三百餘名而李逆仍
無踪跡竊料非已填溝壑卽爲土蠻山人包藏皆由臣子
材督軍不力逆首尙在逋誅應自行檢舉請

旨交部議處等情咨請核奏前來臣查自攻克者岩至今已三
月有餘提臣嚴督各軍無日不四出窮搜南官無日不分
投晒緝滅影銷聲杳無踪跡昔宋臣狄青甯失儼智高不

敢誣朝廷以貪功李揚才雖無下落臣等亦何敢昧青之意委爲已死第就令深藏伏匿勢不能使官軍比戶搜拿騷擾百姓亦不能使大軍守株待兔糜餉老師且太原一帶深山窮僻荒亂之餘百物匱乏營中添備物件須至河內省該處洋人聚集尤慮滋生事端雖經屢函致提臣諄誠各營員弁嚴加約束但恐人多口眾日久懈生不可不思善始善終之道臣已咨行越南國王令其飛飭地方各官迅速確查李揚才實在下落限於兩月內回復如指出藏匿地方卽當派人圍拿期於必獲如仍無消息卽當班師入關分別裁撤布置邊防並咨請提臣就近檄行該國

北圻各省夷官一體嚴拿稟辦從前黃崇英之亂官軍兩次未能出關弋獲相隔六年仍由右路防營進克河陽始經就縛萬一凱撤之後李揚才死灰復燃亦可以剿辦黃崇英一案爲前事之師也提臣自本年正月初一日督師出關各節掃盪至於者岩躬履炎瘴之地身先士卒指揮羣將舉積年窺穴一鼓盪平雖李揚才尙未授首而太原諒山北甯一帶現在均已肅清洵足以宣暢

國威恤彼藩服其自行檢舉之處應否仰乞

聖恩免其置議出自

逾格鴻慈臣謹會同兩廣總督臣劉坤一附片陳明是否有當

伏乞

聖鑒訓示謹

奏

七月二十四日撫發

八月十一日奉

上諭張樹聲奏遵查道員被叅各節請旨留營並勒限查拿逆
首請將提臣免議各摺片已革道員被叅各節既據該撫查
明功過尙足相抵且平日樸誠廉潔曉暢戎機自可稍從寬
宥趙沃著准其留於廣西軍營効力以觀後效逆首李揚才
陸之平罪大惡極豈容日久稽誅縱使地方遼闊林密山深

似此著名巨酋何至搜捕無獲著劉坤一張樹聲馮子材速
咨越南國王飭地方官確查李逆等實在下落指出藏匿處
所卽派人圍拿期於必獲務於兩月內咨覆以免勞師糜餉
該提督自請議處並張樹聲奏請免議之處著俟續奏到日
再降諭旨將此由五百里諭令知之欽此

馳報擒獲首逆李揚才摺

奏爲提臣督軍搜捕已將首逆李揚才擒獲先行恭摺馳報
仰慰

聖座事竊臣於光緒五年八月十九日將關外情形附片馳陳
在案九月初一日承准軍機大臣字寄光緒五年八月十
一日奉

上諭逆酋李揚才陸之平罪大惡極豈容日久稽誅縱使地方
遼闊林密山深似此著名巨酋何至搜捕無獲著劉坤一張
樹聲馮子材速咨越南國王飭地方官確查李逆等實在下
落指出藏匿處所卽派營圍拿期於必獲務於兩月內咨覆

以免勞師糜餉等因欽此當經屢次函商咨催請提臣趕緊招募山人引兵入山嚴督各營乘此秋潦漸退盡力搜捕務期必獲九月二十日接准提臣馮子材飛緘報稱李揚才在逃日久未能弋獲各營將士入山搜捕連月雨水阻滯力盡筋疲近幸天色稍霽各處河汊亦稍消涸當卽派令差官持令督催去後茲於九月初六日寅刻據統領奮武各營道銜試用知府陳以謨插翼飛報九月初三日午刻督率各營在者岩附近將逆首李揚才擒獲俟陳以謨將該逆解抵大營後再將確實情形備文咨會等情前來准此伏查李揚才狡焉思逞竄擾南藩提臣奉

命出關自四月間攻克者岩覆其巢穴李揚才亡命竄匿各軍觸冒炎瘴百計搜捕不遺餘力迭蒙

諭旨訓督將士用命今兩月之限未滿遂得突入擒渠洵足伸天討而恤藩服除俟提臣續咨到日再行詳晰會奏並飛屬提臣督飭各軍乘此聲威迅將陸之平一併擒獲以便尅日班師外所有關外官軍擒獲李揚才大概情形臣謹會同兩廣總督臣劉坤一恭摺由駙六百里先行馳報仰慰宸廑伏乞

皇太后

皇上聖鑒謹 奏